

**FEDERALNO MINISTARSTVO RADA I SOCIJALNE POLITIKE
EKONOMSKO- SOCIJALNO VIJEĆE ZA TERITORIJU FEDERACIJE
BOSNE I HERCEGOVINE**

Broj: 03-34/19-2322/13
Sarajevo, 02.09.2013. godine

Z A P I S N I K

sa 95-19. sjednice Ekonomsko-socijalnog vijeća za teritoriju Federacije Bosne i Hercegovine, održane dana 02.09.2013.godine u 15 sati.

Sjednicom predsjedava gospodin Edhem Biber, predsjednik Ekonomsko-socijalnog vijeća.

Prisutni predstavnici Vlade: Nermin Nikšić, premijer Vlade Federacije BiH i ministri Ante Krajina, Enver Bijedić, Erdal Trhulj, Zukan Helez i Vjekoslav Čamber.

Prisutni predstavnici Sindikata: Salih Kruščica, Rifat Mahmutović, Omer Sikira, Šaban Kadirić, Avad Bahto i Selvedin Šatorović.

Prisutni predstavnici Poslodavaca: Safudin Čengić, Mladen Pandurević, Edin Ibrahimpašić, Seid Kapetanović, Tomislav Slišković i Selim Babić.

Sjednici nisu prisustvovali: Jerko Ivanković-Lijanović, Ismet Bajramović i Seid Kapetanović.

Osim članova Ekonomsko-socijalnog vijeća sjednici su prisustvovali: Zijad Krnjić i Muhidin Subašić ispred Federalnog zavoda za penzijsko i invalidsko osiguranje, Omer Omerefendić ispred Saveza udruženja penzionera Federacije BiH i Zorica Kazić ispred SSSBiH.

DNEVNI RED

1. Usvajanje zapisnika sa redovne 94-18. sjednice ESV-a;
2. Strategija reforme penzionog sistema u Federaciji BiH;
3. Razno

Ad. 1

Zapisnik sa predhodne sjednice usvojen je jednoglasno, bez primjedbi.

Ad. 2

Uvodno izlaganje o Strategiji reforme penzionog sistema u Federaciji BiH dao je Federalni ministar rada i socijalne politike Vjekoslav Čamber. Izlaganje je bilo rezimirani pregled postojećeg stanja, predloženih izmjena, rješenja i novina u penzionom sistemu, uz napomenu da bi Strategija reforme penzionog sistema trebala biti usvojena do kraja 2013.godine, kako zbog važnosti problematike kojim se bavi, tako i zbog ispunjenja preuzetih obaveza prema Međunarodnom Monetarnom Fondu i Europskoj Uniji.

Zajednički stav predstavnika Sindikata je da načelno podržavaju predloženu Strategiju. Pri tome smatraju da je potrebno dati detaljnije objašnjenje bodovnog sistema, te određenih novina, kao što je priznavanje upisanog dvostrukog staža kao uslova za sticanje penzije.

Predstavnici Poslodavaca generalno podržavaju Strategiju i smatraju da je ona dobro usmjerenje za buduće akcije. Uz to navode da čvrsto ostaju pri stavu da se prije primjene Strategije treba riješiti pitanje uvezivanja radnog staža i strožije naglasiti obaveza plaćanja doprinosa. Također smatraju da je do ovakve situacije došlo zato što se postojeći zakoni dosljedno ne primjenjuju, ali se stalno govori o potrebi donošenja novih zakona, te da svaki segment društva treba sagledati šta je do sada uradio i šta bi trebao uraditi na poboljšanju trenutne situacije. Pošto je jedan od preduslova napretka povećanje broja zaposlenih, svakako treba raditi na rasterećenju privrede.

Predstavnik Saveza penzionera interesovalo je kako se reforma reflektira na odnos prosječnih plaća i prosječnih penzija u Federaciji BiH, kako će biti riješeno pitanje nadoplate najnižih penzija, te rada na crno, odnosno njegovog suzbijanja.

Predstavnici Federalnog ministarstva rada i socijalne politike naveli su da je bodovni sistem obračuna penzija puno transparentniji od dosadašnjeg i time omogućava i lakšu kontrolu obračuna i isplate. Strategija ne razrađuje detaljno izračunavanje koeficijenta, ali njegova uloga je da usklađuje visinu penzije. Bodovni sistem omogućuje da penzioner dobije ono što je i zaradio, a u dogledno vrijeme, odnosno kad se za to steknu uslovi, Vlada Federacije BiH bi preuzela obavezu nadoknađivanja nedostatnih sredstva za najniže penzije.

Direktor PIO/MIO gđin.Zijad Krnjić je naglasio da je ovo parametarska reforma čije će provođenje, kroz nove mjere i izmjene propisa, izuzetno poboljšati dosadašnju problematičnu situaciju. Pored obaveznog osiguranja svakako je prihvatljivo i individualno mirovinsko osiguranje, koje funkcionira na kapitaliziranom principu dugoročne štednje (3. stup), poznato kao shema dugoročne štednje i police životnog osiguranja izdanih od strane osiguravajućih kuća, koje je potrebno ugraditi u legislativu i nadzirati od strane države.

Zaključak:

Ekonomsko socijalno vijeće prihvaća Strategiju reforme penzionog sistema i predlaže da je Vlada Federacije BiH uputi u parlamentarnu proceduru.

Ad. 3

Predstavnici Sindikata ponovo su naglasili važnost razmatranja ključnih dokumenata na sjednicama ESV-a i pozvali socijalne partnere da se te obaveze pridržavaju.

Dogovoreno je da se dostavi ESV-u na raspravu okvirni Budžet za 2014-2016.godinu, Zakon o policijskim službenicima Federacije BiH i Zakon o udruženjima i fondacijama Federacije BiH.

Također je dogovoreno da do kraja mjeseca, odnosno sljedeće sjednice ESV-a, predstavnici Sindikata koordiniraju sastanak sa Poslodavcima radi usuglašavanja stavova vezanih za Prijedlog zakona o radu, čije donošenje je još jedna obaveza prema MMFu.

Sjednica Ekonomsko-socijalnog vijeća zaključena je u 16:30 sati.

Na Kolegiju ESV-a koji je zakazan za 17.09.2013. godine u 10 sati, bit će utvrđen dnevni red i datum održavanja naredne sjednice ESV-a.

Zapisnik pripremila
Snježana Kapić

Predsjednik
Ekonomsko-socijalnog vijeća
Edhem Biber